

TEZAUUR LITURGIC

18 AUGUST

ACATISTUL SF. CUVIOS IOAN DE LA RILA I



MOSCOVA, 2000



Акафист

святому преподобному Иоанну Рыльскому, чудотворцу

Кондак 1

Избранный Богом и предивный житием,
преподобне Иоанне, от юности Христа возлюбив,
путем тесным к Нему шествовал еси; велиих же
ради подвигов твоих и слез излиятий
дарованными Духа Святаго обогатился еси. Темже
яко велие ко Святей Троице дерзновение имуще
ублажаем тя, просяще: от всяких нас бед
свободи, зовущих:

Радуйся, препodobне Иоанне, Рыльский
чудотворче, славо и радости наша.

Икос 1

Ангел земный и человек небесный был еси,
преподобне Иоанне. Како убо славу твою
воспоем достойно, многими немощми
обдержимии? Но сам вложи песнь хвалебную во
уста нас, зовущих:

Ра́дуйся, от роди́телей благо́честивых
рождѣ́нный;

ра́дуйся, ими́ в стра́се Бо́жии до́бре
воспита́нный.

Ра́дуйся, из младе́нства от Це́ркве нико́лже
отступи́вый;

ра́дуйся, тоя́́ свяще́нными уче́ными
благода́тный ра́зум стяжа́вый.

Ра́дуйся, за́поведей Госпо́дних блюсти́телю
ве́рный;

ра́дуйся, поще́ний и бде́ний непреста́нных
де́лателью усер́дный.

Ра́дуйся, по сме́рти роди́телей насле́дие свое́
убо́гим разда́вый;

ра́дуйся, жити́я ра́ди до́браго гоне́ние от
челове́ков лука́вых подъя́вый.

Ра́дуйся, клеветы́ непра́ведныя претерпе́вый;

ра́дуйся, досажде́ния с крото́стию понеси́.

Ра́дуйся, любóвию Серафíмскою вслѣ́д
Христа́ послѣ́дова́вый;

ра́дуйся, ея́́ ра́ди пу́ть у́зкий ино́чества
избра́вый.

Ра́дуйся, преподо́бне Иоа́нне, Ры́льский
чудотво́рче, сла́во и ра́досте на́ша.

Конда́к 2

Ви́дя ми́ра сего́ суету́, преподо́бне Иоа́нне,
невозврати́то того́ отврати́тися потща́лся еси́;
ни́чтоже бо тебе́ от Христа́ можа́ше разлучи́ти:
ни у́зы сродства́, ни ю́ность твоя́, ни́же сла́ва
ми́ра сего́ и красота́. Сия́ у́бо вся́ ни во что́же
вмени́в, я́коже елѣнь на исто́чники водны́я, к
Бо́гу востѣ́кл еси́, вопия́ Ему́: Аллилу́иа.

И́кос 2

Ра́зуму божѣ́ственному покорѣ́лся еси́,
блаже́нне, егда́ Го́спода в видѣ́нии со́ннем узрѣ́л
еси́, от земли́ твоея́ изы́ти повелева́юща ти́ и
ме́сто спасѣ́ния твоего́ показу́юща, и вся́, я́же в
ми́ре презрѣ́в, во оби́тель Ру́енскую всели́лся еси́,
идѣ́же о́браз ино́ческий восприя́л еси́. Сего́ ра́ди
вопи́ем ти́ такова́я:

Ра́дуйся, жити́е ино́ческое возлюбѣ́вый;

ра́дуйся, проти́ву греха́ во́инствовати да́же до
сме́рти восхоте́вый.

Ра́дуйся, купно́ с власы́ свои́ми мирска́я
вожде́лѣнія отложи́вый;

ра́дуйся, с ненасы́тною жа́ждею к по́двигом
и́ноческим себѣ устремивый.

Ра́дуйся, в прѣдняя простираяся, за́дняя
забвѣнию преда́вый;

ра́дуйся, сла́дость жи́тельства уединѣннаго в
себѣ обретьи́.

Ра́дуйся, любве́ ра́ди божѣственныя жити́е
пусты́нное возлюбивый;

ра́дуйся, вины́ ра́ди сея́ ме́сто по́стрига
своего́ оста́вивый.

Ра́дуйся, к горе́, в видѣ́нии тебѣ явлѣ́нней,
прише́дый;

ра́дуйся, ничто́же имѣяй, в коли́бе хвра́стней
себѣ вселивый.

Ра́дуйся, дивный пустынножи́телю;

ра́дуйся, Ио́анна Крестите́ля подража́телю.

Ра́дуйся, преподо́бне Ио́анне, Ры́льский
чудотво́рче, сла́во и ра́досте на́ша.

Конда́к 3

Си́лою Ду́ха Свята́го осеня́ем в пусты́ни
всели́лся еси́, Ио́анне, безмо́лвное жити́е
провождáти, с Бо́гом невозбра́нно бесе́довати,
Того́ а́нгельски непреста́нно славосло́вити,

луча́ми свѣта Божѣственнаго озаря́тися, за вся́ же лю́ди и ми́р Спаси́телю Бо́гу моли́тися, поя́ Ему́ при́сно: Аллилу́иа.

И́кос 3

Име́я желáние огнепа́льное боговидѣ́ния Моисе́йскаго, преподо́бне, на го́ру возше́л еси́ явлѣ́ния божѣственны́я сла́вы воспри́яти, ихже о́ко не ви́де и у́хо не слы́ша и я́же на се́рдце чело́веку не възидо́ша. И кто́ возмо́жет изре́щи́ вся́ по́двиги тво́я, в безмо́лвии сотворѣ́нныя? Но мы́, дивя́щися жити́ю тво́ему, си́це взы́ваем ти́:

Ра́дуйся, брѣ́мя по́двиг ве́лиих на ра́мена сво́я возложи́вый;

ра́дуйся, жити́ем тво́им А́нгелов удиви́вый.

Ра́дуйся, я́ко не хлѣ́бом, но бы́лием тра́вным себе́ пита́л еси́;

ра́дуйся, и того́ бо зело́ ма́ло по захо́ждѣ́нии со́лнца вкуша́л еси́.

Ра́дуйся, жа́жду водо́ю в ме́ру утоля́вый;

ра́дуйся, купно́ с проро́ком “скóтен бы́х у Тебе́” Бо́гу вопия́вый.

Ра́дуйся, я́ко пото́ки слѣ́з от очей тво́их источа́л еси́;

ра́дуйся, моли́твы бо твоя́ непреста́нно Бо́гу
возсыла́л еси́.

Ра́дуйся, по́двиги си́ми от страсте́й себе́
очи́стивый;

ра́дуйся, бесо́в в звери́не о́бразе тебе́
устраши́ти тща́щихся посрами́вый.

Ра́дуйся, адама́нте, козньми́ вра́жиими
несокруши́мый;

ра́дуйся, во все́х искуше́ниях и напа́stech
всегда́ с Бо́гом бы́вый.

Ра́дуйся, преподо́бне Иоа́нне, Ры́льский
чудотво́рче, сла́во и ра́досте на́ша.

Конда́к 4

Бу́рю напа́стей де́монских укроти́ти восхоте́в,
в пеще́ру не́кую zeló мра́чную всели́лся еси́,
преподо́бне Иоа́нне, порабо́щая те́ло твоё́ и
лиша́ясь све́та со́лнечнаго, я́ко да не лиш́иши́ся
Божество́ннаго Све́та в Ца́рствии Го́спода твоего́
и да поёши́ Ему́ та́мо со все́ми святы́ми:
Аллилу́иа.

И́кос 4

Слы́шав о тебе́, преподо́бне, сы́н брата́
твоего́, Лука́ о́трок, и родите́лей утай́вся, к тебе́
в пусты́ню при́иде и тобо́ю наста́вляем восприя́

пóдвиги твоя́. Мы́ же си́лою благода́ти твоея́
ужаса́еми, вопи́ем ти́ си́це:

Ра́дуйся, Свѣ́том Божѣ́ственным ю́жика
своего́ оза́ривый;

ра́дуйся, дитя́ ма́лое пусты́нна жи́теля
соде́лавый.

Ра́дуйся, от зло́бы дрѣ́вня сего́ ра́ди напа́сть
но́вую прие́мый;

ра́дуйся, клевету́ в похи́щении о́трока
пре́терпе́вый.

Ра́дуйся, от брата́ своего́ поруга́ния понесы́й;
ра́дуйся, де́тище от тебѣ́ отторже́нное
благослове́нием укре́пивый.

Ра́дуйся, моли́твою слѣ́зною диа́вола
посра́мивый;

ра́дуйся, о́трока от зми́я ужа́ленного смѣ́ртию
с Го́сподем соедини́вый.

Ра́дуйся, цвѣ́те райский на ка́мени го́р
Ры́льских прозябы́й;

ра́дуйся, от Ка́мене Божѣ́ственнаго водо́ю
живо́ю оби́льно напо́енный.

Ра́дуйся, тайнни́че Бо́жий, в пусты́ни не
утаи́вайся;

ра́дуйся свети́льниче Христо́в во мра́це
пеще́рном просвети́выйся.

Ра́дуйся, преподо́бне Иоа́нне, Ры́льский
чудотво́рче, сла́во и ра́досте на́ша.

Конда́к 5

Боготе́чней звездé подобни сۇть свя́тии
челове́цы: не то́чию бо са́ми ко Христу́
ше́ствуют, но и про́чим лю́дем спасе́ния пу́ть
ука́зуют. Сего́ ра́ди вселука́вый творит им
напа́сти, я́коже и тебе́, Иоа́нне: нападе́ бо на тя́
во о́бразе разбо́йник, и́же избивше́ тя, отгна́ша
от пеще́ры пе́рвыя. Тогда́ ты́ в пусты́ню
Ры́льскую глубоча́е вше́д, в ду́пло дуба вели́каго
всели́лся еси́, во е́же бо́льшими труды́ Го́спода
твоего́ прославля́ти и пе́ти Ему́: Аллилу́иа.

И́кос 5

Ви́дя Го́сподь толи́кое озлобле́ние твоё,
преподо́бне, повеле́ земли́ да израсти́т слану́ток
тебе́ в напита́ние; сла́вна же ты́ яви́ па́стырем,
бли́з пусты́ни тоя́ обрётшимся, да и мы́ купно с
ви́девшими дивна́я дела́ твоя́ вопи́ем тебе́
тако́вая:

Ра́дуйся, от де́монов ве́лия страда́ния
прие́мый;

ра́дуйся, во́ине Христо́в непобеди́мый.

Ра́дуйся, не до конца́ от них озло́бленный;

ра́дуйся, Христа́ покрóвом всемо́гущим
покрóвенный.

Ра́дуйся, пред лицéм па́стырей от Го́спода
просла́вленный;

ра́дуйся, обрётшим тя́ жити́е твоё́ нево́лею
извести́вый.

Ра́дуйся, зла́ком чуде́сным те́х напитáвый;

ра́дуйся, отше́дших их чу́дом дивным
наста́вивый.

Ра́дуйся, про́чим лю́дем от них
пропове́данный;

ра́дуйся, от приходи́вших к тебе́ дарова́ний
Бо́жиих не скры́вый.

Ра́дуйся, зело́ стра́ждуща бёсна моли́твою
слёзною исцели́вый;

ра́дуйся, к соверше́нию чудесе́ сего́ всю́
наде́жду на Бо́га возложи́вый.

Ра́дуйся, преподо́бне Иоáнне, Ры́льский
чудотво́рче, сла́во и ра́досте на́ша.

Кондак 6

Проповѣдницы до́лжни есмь́ бы́ти смире́ния твоего́, преподо́бне Иоа́нне, явле́ннаго пред исцелѣ́нием бе́снаго в моли́тве твоѣ́й сицевой: “Бо́же милосе́рдный, не́смь досто́ин именовати́ Твое́ и́мя моими́ нечи́стыми усты́!” Сего́ ра́ди тщи́мся убо́ и мы́ во смире́нии моли́тиса Го́сподеви и пе́ти Ему́: Аллилу́иа.

Икос 6

Воссия́вшу ти́ чудесы́ ве́лиими, мно́жайшую к тебе́ ве́ру и лю́бовь возъиме́ша лю́дие правосла́внии. Но сла́ве твоѣ́й по все́й Бо́лгарстей стране́ проше́дшей, воста́в изше́л еси́ от дуба, сла́вы челове́ческа бѣ́гая. Те́мже смире́ния ра́ди твоего́ ублажа́ем тя́ си́це:

Ра́дуйся, смире́ние божѣ́ственное
возлюби́вый;

ра́дуйся, сла́ву челове́ческую
возненави́девый.

Ра́дуйся, гла́са Христо́ва к смире́нию
призыва́юща, послу́шавый;

ра́дуйся, словеса́ Писа́ния е́же не на́м, но
и́мени Бо́жию сла́ву дая́ти, при́сно соблюда́вый.

Ра́дуйся, вы́сокая дости́гнувый и ни кѣих дѣл
благѣхъ в себѣ не ви́девый;

ра́дуйся, дре́ву плодоно́сному, вѣтвѣми ни́зу
клоня́щуся, подо́бен бы́вый.

Ра́дуйся, смире́нием Дави́ду, ре́кшему “а́з
е́смь че́рвь, а не челове́къ”, поревновáвый;

ра́дуйся, кúпно с проро́ком Иса́иею “о,
ока́янный а́з” вопия́вый.

Ра́дуйся, со апо́столом грѣшника себѣ пѣрваго
нарица́вый;

ра́дуйся, во смире́нии своѣм Самому́ Го́споду
подража́вый.

Ра́дуйся, тще́славию до́блественне
противоста́вый;

ра́дуйся, сие́ я́ко пра́х земный но́гами
попра́вый.

Ра́дуйся, преподо́бне Иоáнне, Ры́льский
чудотво́рче, сла́во и ра́досте на́ша.

Конда́к 7

Хотя́щу ти́ страда́ния бо́льшая подъя́ти
пла́менныя ра́ди ко Христу́ любве́ твое́й,
сто́лпнику дѣ́вному Симео́ну уподо́бился еси́, на
ка́мень возше́д, преподо́бне Иоáнне, во дни́ и

но́щи а́ки беспло́тен моли́тву де́я, слеза́ми
ка́мень омака́я и еди́ному то́кмо Бо́гу бесе́довати
жела́я. Мы́ же на по́двиг се́й зри́ающе,
просла́вляем всемо́ущаго Бо́га в тебе́ дивна́го и
поём Ему́: Аллилу́иа.

И́кос 7

Но́ваго по́двига твоего́, блаже́нне, не стерпе́в
диáвол, поёмлет с собо́ю легио́н бесо́в, и́же с
ка́мене тя в про́пасть глубо́кую сверго́ша. Но ты́
с трудо́м ве́лиим воста́в, па́ки на ка́мень возше́л
еси́ твори́ти моли́твы твоя́ и дивя́щихся
возста́вляеши зва́ти ти́:

Ра́дуйся, ко Христу́ любовь ве́лию стяжа́вый;
ра́дуйся, сего́ ра́ди тяжце́ от полко́в
де́монских пострада́вый.

Ра́дуйся, страда́ния сия́ ни во что́же
вмени́вый;

ра́дуйся, Христа́ па́че жи́зни твоея́
возлюби́вый.

Ра́дуйся, ни чим же от Христа́ разлуче́нный;
ра́дуйся, Им сего́ ра́ди возлюбле́нный.

Ра́дуйся, служе́ния а́нгельскаго
сподо́бивыйся;

ра́дуйся, от руки́ А́нгела хлѣбом пита́выйся.

Ра́дуйся, любóвию ко Христу́ вся́ диáвольская
искушѣния победивый;

ра́дуйся, то́ю вся́ Христа́ за́поведи соблюды́й.

Ра́дуйся, любвѣ́ ради́ сея́ то́кмо сла́вы
Божѣ́ственныя иска́вый;

ра́дуйся, сего́ ради́ от Го́спода
просла́вленный.

Ра́дуйся, преподо́бне Иоáнне, Ры́льский
чудотво́рче, сла́во и ра́досте на́ша.

Конда́к 8

Стра́нный о́браз жити́я твоего́, ве́лие
смирѣ́ние и любóвь твоя́ ко Христу́
приумно́жиша в тебѣ́ благода́ть, я́же ти́ в
крещѣ́нии Христо́вых ради́ страсте́й и сме́рти
крѣ́стныя дарова́ся. Сего́ ради́ сотвори́ тя
Госпо́дь со́лнце духо́вное Правосла́вныя Цѣ́ркве,
да просвѣща́ются тобо́ю ча́да ея́ ко спасѣ́нию и
да вопи́ют Бо́гу: Аллилу́иа.

И́кос 8

Ве́сь бы́л еси́ сосу́д избра́н Бо́жия благода́ти,
вели́кий Иоáнне, на тебѣ́ испо́лнися Крестите́ля
сло́во, я́ко не в ме́ру Бо́г даѣ́т Ду́ха. Ки́ими
благода́тными дарова́ньми не увенча́ тя Бо́г?

Ки́ими явлéньми благода́ти не испо́лнено бы́сть
твоé житиé? Тёмже на тя́ взира́юще, прино́сим
ти́ похва́лы сия́ на́ша:

Ра́дуйся, да́р смире́ния Христо́ва стяжа́вый;
ра́дуйся, слéз и умилéния благода́ть
сниска́вый.

Ра́дуйся, чистото́ю и целому́дрием от Бо́га
украше́нный;

ра́дуйся, ве́рою чудоде́йственною оза́ренный.

Ра́дуйся, не то́кмо Христу́ ве́ровавый, но и
страда́ния за Него́ понесы́й;

ра́дуйся, да́ром ре́вности по Бо́зе
увенча́нный.

Ра́дуйся, любве́ к бли́жним испо́лненный;

ра́дуйся, да́ром Божéственного ве́дения
сподо́бленный.

Ра́дуйся, да́ром прозорли́вства просия́вый;

ра́дуйся, дарова́ние моли́твы непрестаю́щия
имы́й.

Ра́дуйся, до конца́ наде́жду бу́дущаго
блаже́нства сохра́нивый;

ра́дуйся, блаже́нство сие́ ещё́ в жи́зни сей
предвкуси́вый.

Ра́дуйся, преподо́бне Иоа́нне, Ры́льский
чудотво́рче, сла́во и ра́досте на́ша.

Конда́к 9

Вся́кое дарова́ние Ду́ха Свята́го воспри́ймшу
ти́, преподо́бне Иоа́нне, дости́же веще́ние твоё
благоче́стиваго ца́ря Петро́, и́же ви́дети тя
вожде́лев посла́ к тебе́ де́вять муже́й. Ты́ же
а́лчных их бы́ти ду́хом разуме́в, ма́лым хле́бом
напита́л еси́, и́же пресла́вное чу́до си́е ви́девши,
вопиа́ху Бо́гу: Аллилу́иа.

И́кос 9

Вети́и ми́ра сего́ не разуме́ют, ка́ко ца́рь
Пе́тр, сы́й во сла́ве сво́ей, к тебе́ с да́ры
устремис́я, блаже́нне, и зело́ опеча́лися, не
возмо́гий стремни́н ра́ди го́рных ко святы́ни
тво́ей прибли́зится: но мы́, словеса́ Го́спода
помина́юще, ко все́м лю́дем рече́нная, “ищи́те
пре́жде Ца́рствия Бо́жия и пра́вды Его́”, вопие́м
ти́:

Ра́дуйся, я́ко Ца́рство Небе́сное на земли́
достига́ еси́;

ра́дуйся, Ца́рство бо́ сие́, прише́дшее в си́ле,
яви́ ти Го́сподь.

Ра́дуйся, я́ко Ца́рство Бо́жие в стяжа́нии
благода́ти лю́дем яви́л еси́;

ра́дуйся, во плóти бо сый блаже́нство райское
в себе́ тай́л еси́.

Ра́дуйся, я́ко бисер многоце́нный стяжа́в,
суету́ бла́г вре́менных показа́л еси́;

ра́дуйся, я́ко пра́вду и ми́р и ра́дость о Ду́се
Свя́те имéл еси́.

Ра́дуйся, сия́нием бо благода́ти сла́ву ца́рскую
затми́л еси́;

ра́дуйся, я́ко сокрови́ще небе́сное имый,
даро́в ца́рских не прия́л еси́.

Ра́дуйся, я́ко зрéти друг дру́га в Небе́сном
Ца́рствии царю́ Петро́у обеща́л еси́;

ра́дуйся, я́ко царя́ в Писа́нии твоём
милосе́рда и Це́ркви послу́шна бы́ти увеща́л еси́.

Ра́дуйся, я́ко пока́янию царя́ научи́л еси́;

ра́дуйся, я́ко пока́яния ра́ди ца́рство ве́чное
ему́ предре́кл еси́.

Ра́дуйся, преподо́бне Иоáнне, Ры́льский
чудотво́рче, сла́во и ра́досте на́ша.

Кондак 10

Спасти́ хотя́ себе́ до конца́ от ко́зней вра́жиих, преподо́бне Иоáнне, пребы́л еси́ в по́двизе стоя́ния на ка́мени се́дмь лёт и четы́ре ме́сяцы. Мно́зи же поревно́вавши тебё́, бли́з ка́мене твоего́ це́рковь созда́ша и оби́тель соста́виша, нача́льника тя́ пе́рваго и па́стыря иму́ще, да возсыла́ется отту́ду при́сно хвале́бная Бо́гу пе́снь: Аллилу́иа.

И́кос 10

Стена́ непреодо́рима бы́сть ти́ смире́ние твоё́ да́же до сме́рти, блаже́нне Иоáнне; разуме́в бо вре́мя отше́ствия твоего́, моле́ние слёзное Бо́гу возне́сл еси́, глаго́ля: “О́тче Вседержи́телю, ничто́же на земли́ бла́го сотвори́х! Сего́ ра́ди молю́ Тя́ повеле́ти А́нгелу бла́гу прии́ти, да не возбу́ра́нен ми́ бу́дет восхо́д от духо́в лука́вствия! Го́споди, в ру́це Твои́ предаю́ ду́х мо́й!” И сия́ ре́к, а́бие ду́х испусти́л еси́. Мы́ же, сицевому́ пра́ведному преста́влению́ дивя́щеся, та́ко тя́ ублажа́ем:

Ра́дуйся, жити́ем и исхо́дом твои́м нас поуча́й;

ра́дуйся, го́рняя му́дрствовати, а не земна́я нас призыва́й.

Ра́дуйся, ни́киймже сласте́м ми́рским се́бе
прио́бщивый;

ра́дуйся, блаже́нную кончи́ну от Бо́га
прие́мый.

Ра́дуйся, о сме́рти при́сно в живо́те сво́ем
помышля́вый;

ра́дуйся, слова́ апо́стола “по вся́ дни́
умира́ю” испо́лнимый.

Ра́дуйся, со апо́столом Па́влом сме́рти
вожде́левый;

ра́дуйся, разреши́тися и со Хри́стом бы́ти
при́сно жела́ние име́вый.

Ра́дуйся, слеза́ми и моли́твами се́бе к сме́рти
угото́вавый;

ра́дуйся, сего́ ра́ди от сме́рти не на су́д, но в
живо́т прише́дый.

Ра́дуйся, ве́чной ра́дости со Хри́стом по
сме́рти прио́бщивыйся;

ра́дуйся, дерзнове́ние ве́лие пред Бо́гом
стяжа́вый.

Ра́дуйся, преподо́бне Иоа́нне, Ры́льский
чудотво́рче, сла́во и ра́досте на́ша.

Кондак 11

Пѣниемъ молебнымъ ублажати тя наставшу
времени, благовоніе нача от гроба твоего
источатися, преподобне Иоанне. Сего ради гробъ
твой отверзоша и тело твое обретоша нетленно и
благоуханія исполнено. Оттоле многая чудеса
совершахуся отъ мощей твоихъ во исцеление къ
тебѣ прибегающихъ и Богу вопиющихъ: Аллилуиа.

Икос 11

Свѣтопріемную свещу яви тя Господь,
преподобне, и храмъ Духа Святаго, тело же твое
тлѣнію непричастно соблюде. Взираючи убо на
благодать сию, прославляемъ тя сице:

Радуйся, нетлѣніемъ твоимъ всемогущество
Божіе благовествуй;

радуйся, безсмертіе телесъ последи общаго
воскресения предобразуй.

Радуйся, нетлѣніемъ твоимъ славу Божию въ
Церкви явивый;

радуйся, истину воскресения мертвыхъ
утвердивый.

Радуйся, по смерти игумену обители
Рыльския во снѣ явивыйся;

ра́дуйся, твоя́ мо́щи в Среде́ц гра́д прене́сти
повеле́вый.

Ра́дуйся, дивна́я чуде́са и зде́ сотвори́вый;
ра́дуйся, в гра́д Терно́в прене́сен ве́лия
зна́мения соде́лавый.

Ра́дуйся, от мо́щей твои́х во гра́дех сто́льных
благода́ть проли́явый;

ра́дуйся, и в плене́нии бы́в си́лами все́х
ужаси́вый.

Ра́дуйся, Ману́илу царю́ гре́ческому
исцеле́ние дарова́вый;

ра́дуйся, епи́скопу Остриго́мскому язы́к
связа́вый и разверза́вый.

Ра́дуйся, преподо́бне Иоа́нне, Ры́льский
чудотво́рче, сла́во и ра́досте на́ша.

Конда́к 12

Благода́ть ве́лию дарова́ ти Госпо́дь за
мно́гую любóвь, предивный уго́днице Бо́жий,
преподо́бне о́тче на́ш Иоа́нне, неду́ги исцеля́ти,
заблúждши́я просвещáти и все́м прося́щим бы́ти
во спасе́ние. Те́мже благода́ряще Го́спода, на́м
тебе́ дарова́вшего, при́сно зове́м ему́: Аллилу́иа.

И́кос 12

Пою́ще тебѣ́ пѣснь недоумѣемъ, ка́ко вся
дѣ́вная дѣ́янія твоя́ словесы́ немощны́ми
изобразѣ́ти, преподо́бне! Зря́ще же ты́ вели́ка в
уго́дницахъ Бо́жиихъ, дерза́емъ си́це восхва́лити ты́,
зову́ще:

Ра́дуйся, в по́двизехъ и трудѣ́хъ предѣ́вный;
ра́дуйся, просла́вленнымъ тобо́ю Бо́гомъ
просла́вленный.

Ра́дуйся, далѣ́че вне́ Цѣ́ркве Бо́лгарстей
просия́вый;

ра́дуйся, и ины́ми Правосла́вными Цѣ́рквами
чти́мый.

Ра́дуйся, нетле́нною десни́цею в Цѣ́ркви
Росси́йстей обита́й;

ра́дуйся, благода́тию вели́кихъ отце́в Цѣ́ркве
блиста́й.

Ра́дуйся, по́двиги преподо́бныхъ Анто́нія и
Мака́риа яви́вый;

ра́дуйся, дѣ́янія свети́л росси́йскихъ Сѣ́ргия и
Серафи́ма предизобра́вый.

Ра́дуйся, от кра́ля унга́рскаго просла́вленный;
ра́дуйся, и от ту́рскихъ султа́новъ почте́нный.

Ра́дуйся, во оби́тели Ры́льстей ве́рными и
неве́рными доселе почита́емый;

ра́дуйся, ве́лиих ра́ди чудес твои́х от все́х
прославля́емый.

Ра́дуйся, преподо́бне Иоа́нне, Ры́льский
чудотво́рче, сла́во и ра́досте на́ша.

Конда́к 13

О, вели́кий Иоа́нне, Ры́льский чудотво́рче!
Приими́ сию́ ма́лую похвалу́ на́шу и моли́ся за
ны́ ко Го́споду, да ниспо́шет на́м ми́лость Свою́
и пока́нию и́стинному научи́т на́с, изба́вит же
на́с от вла́сти миродержи́телей тьмы́ ве́ка сего́ и
сохрани́т в правосла́вней ве́ре же и благода́тном
жи́тельстве под дивным покрóвом Бо́жия
Ма́тере, да спасе́ннии твои́м ходата́йством
вопи́ем Бо́гу: Аллилу́иа.

*Этот конда́к чита́ется три́жды, зате́м и́кос
1 и конда́к 1.*

Моли́тва

О, вели́кий и предивный чудотво́рче,
преподо́бне Иоа́нне, приими́ моле́ние на́ше и не
отврати́ся от на́с, к твоemú заступле́нию
прибега́ющих: никогда́же бо отвраща́лся еси́ от
приходи́вших к тебе́ с печа́лями свои́ми во дни́

земнаго твоего житія; вѣмы же, коликая знаменія милосердія являл еси и по преставленіи твоѣм людем православному! Услыши и нас ныне, велиими скорбями обдержимых, нашедшими на ны в лукавыя дни сія, егда диавол чрез пагубныя козни своя тщится попра́ти Цѣрковь Святу́ю, лиши́ти же нас спасенія вѣчнаго и бла́г временныя жи́зни! Испроси́ нам у Го́спода Иису́са Христа́ прощѣнія грехо́в, а наипа́че греха́ непослуша́нія Ма́тери на́шей Цѣркви! Да́руй нам сокруше́ние се́рдца, во е́же со уми́лением неукло́нно присту́пати ко свято́му Та́инству Покая́нія, я́ко да не во осужде́ние и поги́бель бу́дет нам причаще́ние Те́ла и Кро́ве Христо́вых, но во здра́вие и спасе́ние. Отжени́ от нас ду́х братоненавидѣ́нія, да́руй нам ду́х любви́ и ми́ра к бра́тскому единѣ́нію все́х люде́й твои́х! Соеди́ни все́х нас любви́ю ко Христу́ и Его́ Цѣркве Правосла́вней, я́ко да соблюда́юще спаси́тельную во́лю Его́, и́стинная ча́да Бо́жия бу́дем! Бу́ди нам путево́ждь во вся́ дни на́ша, я́ко да при́сно в благода́ти Ду́ха Свята́го су́ще в чистоте́ ве́ру содержи́м и во́лю Госпо́дню до са́мья сме́рти сотвори́м! В ча́с же кончи́ны на́шей яви́ся нам предста́вити ду́ши на́ша к престо́лу

Божественнаго Судии и рещи́ Ему́: “Се́ аз и де́ти моя́”, я́ко да твои́м заступле́нием вѣчных му́к изба́вльшеся, неизрече́нное блаже́нство Небе́снаго Ца́рствія Христо́ва насле́дим ку́пно с тобо́ю и все́ми святы́ми во ве́ки веко́в. Ами́нь.

